

¡BOMBA!

Esto es esperanzador:
en península hay bonanza,
nomás causa desconfianza
gusano barrenador



K'uintsil

Miércoles 28 de mayo de 2025

CAMPECHE · YUCATÁN · QUINTANA ROO · AÑO 10 · NÚMERO 2486 · www.lajornadamaya.mx



IMSSe' tu beetaj u yáax meyajil ti'al u ts'áak uláak' puksi'ik'al ti' u jeel máak; uts yanik xch'úupal

/ p 18
Oochel IMSS

Máax jo'olbesik General del Instituto Mexicano del Seguro Social (IMSS), Zoé Robledo Aburto, tu ts'áaj k'ajóoltbil -tu súutukil beeta'ab mañanera tumen xjala'ach Claudia Sheinbaum le martes máanika' le bin le 22 ti' mayo máanika' beeta'ab tu kúuchil IMSS ti' u péetlu'umil Jaliscoe', u

yáax k'eexil puksi'ik'al ti' juntúul xch'úupal u k'aaba' Ariadna, máax 16 u ja'abil, k'oja'an desde ka'aj síijij. Ti' jump'éeel kóom cha'an k'i'itbesa'ab ti' redes socialese', Robledo Aburto tu ya'alaje' tu káajbal le ja'aba', u kúuchil Unidad Médica de Alta Especialidad del Hospital de Pediatría del Centro Médico Nacional

de Occidente de Guadalajara tu k'amaj ti' Comisión Federal para la Protección contra Riesgos Sanitarios (Cofepris) u páajtalil u beetik trasplantes cardíacos pediátricos, le beetik túune, leti'e' ka'ap'éeel mola'ay ichil tuláakal u noj lu'umil México, yéetel Hospital Infantil tu noj kaajil Ciudad de México.

Meyaje' beeta'ab ti' Aridna, juntúul xch'úupal 16 u ja'abil, máax síij tu lu'umil Jalisco. Tak walkila' uts yanik u toj óolal. U meyajil ti'al u máansa'al ti'e' xáanchaj maanal kamp'éeel horas, yéetel puksi'ik'ale' jóok'sa'ab Hospital General Zona No. 2 de Saltillo, Coahuila.